

2018
Stu
M

UGOVOR **o pružanju usluga izrade Plana zaštite od požara**

Zaključen u Sarajevu između:

Zavoda zdravstvenog osiguranja Kantona Sarajevo, Ul. Ložionička broj 2 (u daljem tekstu Ugovorni organ), kojeg zastupa direktor Mr.sci.oec.prim.spec.dr. Samir Turković

i

Vatrosistemi d.o.o. Sarajevo, Ul. Safeta Zajke 115 (u daljem tekstu Pružalac usluga), kojeg zastupa direktor Berin Mesihović.

PREDMET UGOVORA

Član 1.

Predmet ovog Ugovora je regulisanje prava i obaveza između Ugovornog organa i Pružaoca usluga kao izabranog ponuđača u postupku javne nabavke putem direktnog sporazuma za nabavku „usluge izrade Plana zaštite od požara“ za potrebe Zavoda zdravstvenog osiguranja Kantona Sarajevo za period od 1 godine, na osnovu Zahtjeva za pokretanje nabavke broj 03-02-K.S.-38734-2/18 od 05.12.2018. godine, Odluke o pokretanju postupka putem direktnog sporazuma broj 03-08-Dž.H.N.-38734-OPP/18 od 12.12.2018. godine, Poziva na dostavljanje ponude broj 03-08-Dž.H.N.-38734-PDP/18 od 25.12.2018. godine, ponude Pružaoca usluga broj: 463-I-12/18 od 28.12.2018. godine, a u skladu sa Odlukom o prihvatanju ponude broj 03-08-Dž.H.N.-38734-OI/18 od 29.01.2019. godine.

PREDMET NABAVKE


Član 2.

(1) Usluge koje su predmet ovog Ugovora su “usluge izrade Plana zaštite od požara“ u skladu sa članom 22. Zakona o zaštiti od požara i vatrogastvu („Službene novine FBiH“, broj 64/09), članom 34. Uredbe o sadržaju i načinu izrade planova zaštite i spašavanja od prirodnih i drugih nesreća i planova zaštite od požara (“Službene novine FBiH”, broj 8/11), tačkom 2. Metodologije za izradu procjene ugroženosti od požara (“Službene novine FBiH”, broj 8/11), Pravilima i procedurom zaštite od požara ZZO KS broj 01-01-I-3175/17 od 25.01.2017. godine i Izmjenom pravila i procedure zaštite od požara ZZO KS broj 01-01-2-S.T.-3175/17 od 28.01.2018. godine.

(2) Usluge koje su predmet ovog Ugovora uključuju sljedeće usluge:

- (a) izrada Procjene rizika ugroženosti u skladu sa Metodologijom za izradu procjene ugroženosti od požara (“Službene novine FBiH”, broj 8/11);
- (b) izrada Plana zaštite od požara u skladu sa Uredbom o sadržaju i načinu izrade planova zaštite i spašavanja od prirodnih i drugih nesreća i planova zaštite od požara (“Službene novine FBiH”, broj 8/11).

(3) U predmet Ugovora je dodatno uključena i izrada Programa mjera i aktivnosti zaštite od požara u skladu sa članom 1. stav (2) Izmjena pravila i procedura zaštite od požara ZZO KS broj 01-01-2-S.T.-3175/17 od 28.01.2018. godine.



*Dati
Ja
M*

(4) Usluge koje su predmet ovog Ugovora se pružaju za potrebe Zavoda zdravstvenog osiguranja Kantona Sarajevo koji posjeduje sljedeće poslovne objekte kako je navedeno u tabeli ispod:

R.br	Poslovni objekti	Adresa	Površina (u m ²)
1	Direkcija Zavoda zdravstvenog osiguranja Kantona Sarajevo*	ul. Ložionička broj 2	2.122
2	Gradska poslovnicu za općine Novo Sarajevo i Novi Grad	ul. Zmaja od Bosne bb	446
3	Gradska poslovnicu za općine Stari Grad i Centar,	ul. Hamdije Kreševljakovića 14	741
4	Poslovnica Ilidža sa ispostavom Trnovo.	ul. Emira Bogunića Čarlija 17	152
5	Poslovnica Hadžići	ul. Hadželi 169	60
6	Poslovnica Ilijaš	ul. 126. Ilijaške Brigade 51	100
7	Poslovnica Vogošća	ul. Jošanička 83	80
UKUPNA POVRŠINA:			3.701

*Vezano za Direkciju ZZO KS, Zavod posjeduje dio poslovne zgrade koju dijeli sa FZ MIO/PIO tj. posjeduje unutar te zgrade: podrum, prizemlje i četiri sprata (7., 8., 9. i 10. sprat).

(5) Usluge koje su predmet ovog ugovora moraju obuhvatiti sve postupke koji su zakonski obavezni za predmetne usluge u skladu sa važećom regulativom u predmetnoj oblasti.

Član 3.

Mjesto pružanja usluga su poslovne prostorije Ugovornog organa u Sarajevu na adresama u skladu sa članom 2. stav (4) ovog Ugovora.

OBAVEZE UGOVORNIH STRANA

Član 4.

Pružalac usluga se obavezuje pružiti usluge koje su predmet ovog Ugovora koje kvalitetom i obimom u svemu odgovaraju karakteristikama preciziranim u Pozivu na dostavljanje ponude broj 03-08-Dž.H.N.-38734-PDP/18 od 25.12.2018. godine, na način i u rokovima regulisanim ovim Ugovorom, prihvaćenom ponudom Pružaoca usluga broj 463-I-12/18 od 28.12.2018. godine i u skladu sa važećom regulativom u predmetnoj oblasti.

Član 5.

(1) Ugovorni organ se obavezuje da od strane Pružaoca usluga prihvati izvršene usluge koje su Predmet ovog Ugovora tj. primi izrađeni Plan zaštite od požara sa Procjenom rizika ugroženosti sa Programom mjera i aktivnosti zaštite od požara ukoliko isti odgovaraju ugovorenom kvalitetu.

(2) Ugovorni organ se obavezuje da nakon izvršenih usluga koje su predmet ovog Ugovora, saglasno Narudžbi, ukoliko iste odgovaraju ugovorenom kvalitetu, plati ugovorenu cijenu na način i u rokovima određenim u Pozivu na dostavljanje ponude broj 03-08-Dž.H.N.-38734-PDP/18 od 25.12.2018. godine. ponudi Pružaoca usluga broj: 463-I-12/18 od 28.12.2018. godine i ovim Ugovorom.

Član 6.

(1) Cijena usluga koje su predmet ovog Ugovora ukupno iznosi 3.500,00 KM bez PDV-a, tj. 4.095,00

KM sa PDV-om.

(2) Pružaoac usluge se obavezuje da će usluge koje su predmet ovog Ugovora pružiti po jediničnim cijenama kako je navedeno u sljedećoj tabeli:

Redni broj	Opis usluga	Jedinica mjere	Količina	Ukupna cijena bez PDV-a
-	-	-	-	-
1.	Usluge izrade Plana zaštite od požara u skladu sa Pozivom na dostavljanje ponude broj 03-08-DŽ.H.N.-38734-PDP/18 od 25.12.2018. godine.	Usluga	1	3.500,00
Ukupna cijena bez PDV-a				3.500,00
Popust				0,00
Ukupna cijena sa popustom bez PDV-a				3.500,00
PDV na cijenu ponude (sa uračunatim popustom)				595,00
Ukupna cijena za ugovor sa PDV-om				4.095,00
Ukupna cijena za ugovor sa PDV-om riječima: četirihiljadedevadesetpetkonvertibilnihmaraka				

(3) Pružalac usluga se obavezuje da će usluge koje su predmet ovog Ugovora pružiti po ukupnoj cijeni u kojoj je uračunat PDV i svi drugi zavisni troškovi.

Član 7.

(1) Ugovorni organ će izabranom Pružaoцу usluga platiti cijenu nakon pruženih usluga koje su predmet ovog Ugovora i nakon dostave Plana i Procjene Ugovornom organu, a na osnovu ispravno dostavljene fakture Ugovornom organu (na kojoj će biti jasno naznačen broj Ugovora na osnovu kog se vrši plaćanje), uz koju moraju biti priloženi narudžbenica i dokaz o pruženoj usluzi tj. dokaz o dostavi Plana i Procjene Ugovornom organu ovjereno od strane ovlaštene osobe ispred Ugovornog organa u roku do 60 dana od ispostave ispravne fakture.

(2) Rok za računanje odgode plaćanja započinje od momenta kada Pružalac usluga pruži usluge koje su predmet ovog Ugovora te ispravno dostavi fakturu Ugovornom organu.

OSTALE OBAVEZE UGOVORNIH STRANA

Član 8.

U slučaju potrebe za uslugama većeg obima, izvan okvira ugovornih obaveza pružanja usluga koje su predmet ovog Ugovora, Pružalac usluga je obavezan tražiti saglasnost Ugovornog organa, te obrazložiti potrebu izvođenja istih i priložiti važeći cjenovnik.

ROK PRUŽANJA USLUGE

Član 9:

Rok pružanja usluge tj. izrade traženog Plana i Procjene je 45 dana od momenta dostave narudžbenice.

Član 10.

- (1) Pružalac usluga ima pravo na produženje ugovorenog roka ako je u pružanju usluga koje su predmet ovog Ugovora bio spriječen izvanrednim događajima koji se nisu mogli predvidjeti u vrijeme zaključenja ovog Ugovora.
- (2) Izvanrednim događajima se smatraju:
 - a) prirodni događaji koji se smatraju višom silom (poplave, zemljotres i druge prirodne nepogode).
 - b) mjere državnih organa.
- (3) Pružalac usluga je dužan da Ugovornog organa pismeno obavijesti o svojoj namjeri da zbog navedenih okolnosti traži produženje roka.
- (4) Ako Pružalac usluga zakasni sa pružanjem usluga iz razloga koji nisu obuhvaćeni članom 10. ovog Ugovora, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju i snosit će svu štetu za Ugovorni organ (npr. dodatni troškovi, izmakla dobit, itd.) nastalu uslijed kašnjenja u pružanju usluga.

NAKNADA ŠTETE

Član 11.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest) dana od dana postavljenog kompletiranog i osnovanog zahtjeva za isplatu naknade.

Član 12.

- (1) Ukoliko uslijed nemara ili krivice Pružaoca usluga Ugovorni organ pretrpi štetu, Pružalac usluga je dužan naknaditi štetu Ugovornom organu u stvarnom iznosu.
- (2) Ukoliko Pružalac usluga ne izvrši neke usluge kako je navedeno u narudžbenici Ugovornog organa, dužan je Ugovornom organu nadoknaditi štetu u vrijednosti iste. Ugovorni organ je ovlašten da ovu štetu naplati umanjnjem pristiglih a neplaćenih faktura, za vrijednost nepruženih usluga.
- (3) U slučaju neurednog pružanja usluga ili zakašnjenja u izvršavanju ugovornih obaveza od strane Pružaoca usluga, a kao rezultat nepažnje Pružaoca usluga ili njegovog osoblja, neovisno da li je nastupila šteta takvim postupanjem, Ugovorni organ ima pravo da Pružaocu usluga plaćanje po fakturi za pružene usluge u kašnjenju umanji za iznos do 20% od iznosa fakture.

Član 13.

- (1) Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Pružaocu usluga izvršiti obeštećenje izazvano kašnjenjem u visini od 20% na iznos neplaćene fakture.
- (2) Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

PRESTANAK UGOVORA

Član 14.

(1) Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana, a najkasnije u roku od 1 (jedne) godine dana od datuma obostranog potpisivanja ovog Ugovora.

(2) Ugovor može prestati i prije njegovog izvršenja, u slučaju raskida.

Član 15.

(1) Obje ugovorne strane mogu raskinuti ovaj Ugovor:

- a) u slučajevima kada se kod jedne ili obje ugovorne strane jave razlozi izvan njihovog utjecaja koji onemogućavaju dalje izvršenje ugovornih obaveza;
- b) u svim ostalim slučajevima propisanim zakonom.

(2) Ugovorna strana koja želi da raskine ugovor je dužna prethodno pisanim putem pozvati drugu ugovornu stranu na ispunjenje ugovorene obaveze.

(3) Ugovor se raskida pismenom izjavom koja se dostavlja drugoj ugovornoj strani.

(4) U izjavi mora biti naznačeno po kom osnovu se Ugovor raskida, kao i dostavljen dokaz da je druga ugovorna strana prethodno, također pisanim putem, pozvana na ispunjenje ugovorene obaveze.

(5) U svakom slučaju Ugovor se ne može raskinuti zbog neizvršenja neznatnog dijela ugovornih obaveza.

Član 16.

(1) Ugovorni organ može raskinuti ovaj Ugovor:

- a) ako Pružalac usluga ne izvrši ugovorenu obavezu u pogledu kvaliteta tj. ako se utvrdi da pružene usluge ne ispunjavaju kriterije iz ponude temeljem kako je zaključen Ugovor;
- b) ukoliko se utvrdi da Pružalac usluga krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima;
- c) ako je zaostajanje u vršenju usluge koja je predmet ugovora takvo da može dovesti u pitanje izvršenje ugovora ali samo ako je do zaostajanja došlo krivicom Pružaoca usluga;
- d) u svim ostalim slučajevima propisanim zakonom.

(2) Iz razloga propisanih stavom 1. alineje a), c) i d) ovog člana Ugovorni organ može raskinuti ovaj Ugovor samo ako je prethodno upućen pisani poziv Pružaocu usluga sa zahtjevom za ispunjenjem ugovornih obaveza i sa ostavljenim dodatnim rokom koji ne može biti kraći od 8 (osam) i duži od 30 (trideset) dana.

Član 17.

(1) Pružalac usluga može da raskine ugovor ako Ugovorni organ uslijed vlastite krivice ne izvrši svoje ugovorne obaveze.

(2) U svakom slučaju Pružalac usluga neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

OSTALE ODREDBE

Član 18.

Za sve ono što nije regulisano ovim Ugovorom primjenjuju se važeći propisi i poslovni običaji u oblasti predmetne nabavke i Zakon o obligacionim odnosima.

Član 19.

- (1) Svi sporovi koji eventualno nastanu iz ovog Ugovora rješavat će se sporazumom ugovornih strana.
- (2) Ako se spor ne riješi na taj način, za sudsko odlučivanje određuje se mjesna nadležnost suda u Sarajevu.

Član 20.

Pružalac usluga nema pravo zapošljavati, u svrhu izvršenja ovog Ugovora fizička ili pravna lica koja su učestvovala u proceduri javne nabavke putem direktnog postupka za nabavku ovih usluga ispred Ugovornog organa najmanje šest mjeseci po zaključenju Ugovora, odnosno od početka realizacije Ugovora.

ZAVRŠNE ODREDBE

Član 21.

Sastavni dio ovog Ugovora su:

- a) Odluka o pokretanju postupka putem direktnog sporazuma broj 03-08-Dž.H.N.-38734-OPP/18 od 12.12.2018. godine;
- b) Poziv na dostavljanje ponude broj 03-08-Dž.H.N.-38734-PDP/18 od 25.12.2018. godine;
- c) Ponuda Pružaoca usluga broj: 463-I-12/18 od 28.12.2018. godine;
- d) Odluka o prihvatanju ponude broj 03-08-Dž.H.N.-38734-OI/18 od 29.01.2019. godine.

Član 22.

- (1) Ovaj Ugovor stupa na snagu danom potpisivanja od strane obje ugovorne strane.
- (2) Ukoliko ugovorne strane ne potpišu Ugovor na istovjetan datum, danom stupanja na snagu Ugovora ima se smatrati kasniji datum potpisa.

Član 23.

Ovaj Ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Pružalac usluga

Ugovorni organ

Broj: 04-01-25/19
Datum: 28.02.2019.

Broj: 03-08-Dž.H.N.-38734-UG/18
Datum: 20.02.2019. godine.